







From Joan Countway Lib.

OCT 31 1999

齊一 某都治口 卷五 錄

川子元瘡後沃浴鼻出紅涕面足浮腫

一婦食積疹飲痰血沉於下部左跨臍腹巨痛

恒宇令堂右肩筋搐腫痛 三

孫君錫頭痛胸背脹飲食作吐咳嗽 四

孫尔嘉內人三姪而三小產 五

孫徽垣內人咳唾紅痰 六

戴萬奇夫中痰後兩手足不能動 七

族學人內脊頭痛玉戶撮急肚門逼迫遍身皆疼



梓林兄內眷右手痛風小水頻迫九

一婦經閉三月洩瀉嘈雜吐酸十

程氏婦下午喉痛痰多暈厥十一

汪銀兄時疫熱病汗出不止十二

作明吾時疫食復不省人事循衣摸床十三

孫元素春溫食復發斑十四

孫安飢勞感疫食復發斑十五

一人喉痛夜卧氣雍手足浮腫十六

何洗心虛寒腎洩十七

程湘孺人鼻衄後眩運嘈雜嘔吐清水十八

孫君孝春溫誤作陰虛治十九

一僕婦頭疼喉痛咳嗽嘔惡胸膈作脹二十

族侄婦范氏乳癰二十一

表侄女黃氏姪七月患血痢二十二

程氏婦小產後患赤痢二十三

孫竹堃受暑作吐又傷酒麪身黃成疸二十四

程菊泉暑月喘嗽二十五

程應禎兄咳吐紅痰胸背脹痛眩運二十六

虛山內人胸脇脹痛五更嘈雜 二十七

一婦暑月小便不利玉戶腫大便血 二十

弟婦戴氏臍腹痛白帶如注裏急後重下痢赤白

族弟應童胃脘當心而痛 二十

弟淑南三陽合病暑症 三十一

一富婦轉脬 三十二

文約孺人八十三胃脘痰痛 三十三

息童弟三步瘡 三十四

崔好吾春 三十五

氏婦屍保子尸出 三十六

子應童之弟十月發三陽瘡 三十七

吳中岳孺人疫後壞症 三十八

鮑子五保時疫耳聾洩瀉 三十九

僕子孫守中麻後咳嗽無痰唇厚聲啞 四十

僕子得貴春溫頭痛 四十一

瓦素侄令政春溫後經水適止 四十二

朱氏子天送時疾頭疼身若燔炭 四十三

朱桃源內人胃脘痛常苦夢遺經水一月兩至 四十四

桂亭大兄痰積痰血作痛 四十五

熊二官疫後食復 四十六

堂弟東里內子咳嗽吐紅 四十七

程竹坡內人年六十瘟疫昏憤 四十八

程內眷新寡七日染疫適值夢洩神昏譫語 四十九

大學從明滯下紅血 五十

查少川喘後腫脹 五十一

夏益吾肢節腫痛手足灣痛腫尤甚 五十二

初陽侄內人肺癆 五十三

仲木內人氣喘作脹 五十四

侄孫女十歲大便脫肛鼻中出血 五十五

唐岩祈患痢赤白臙脹氣喘四肢冷陰囊腫 五十六

侄婿程東山患休息痢下皆紫血 五十七

陳氏婦腸鳴腹痛合目汗出下午潮熱 五十八

九德侄耳鳴 五十九

陳覺宇上盛下虛合目亂語痰火吼喘 六十

程紹溪中年患鶴膝風 六十一

堂嫂程氏喉間有物如嚙咬之不出嚙之不下 六十二

一婦產後咳嗽發熱咳出之痰色黑而臭六十三
表嫂孀居二十年右癱不能舉動神情恍惚亂言
多悲泣六十四

桂亭大兄墜轎後腰脇脹痛六十五

堂嫂王氏吐紫黑血塊足跟掀腫痒痛六十六

堂婦程氏姙五月痢下膿血六十七

嫂汪氏頭痛遍身痛痢下赤白六十八

仲閣氣虛中滿有發明六十九

朱懷竹楊梅毒氣內攻上迫於肺將成肺癰下流

陰囊囊潰見子七十

查良本令眷每飲食悉從背後而下七十一

後溪大兄孺人戴氏患血痢有發明七十二

邵敬圃迺眷胃脘痛七十三

蘓望臺患瘡有發明七十四

汪氏姬寒痰壅滯七十五

徐客兄子筋痿風七十六

邵老封君手足麻而無力七十七

程巢父迺即痢後風有發明七十八

葉潤心高嘈雜好啖肉尤好雞腹太痛虫症也

程相如令政孕七月患痢八十

程曉山中風先兆廼即麻後痺症八十一

一婦疫後虛寒十三

後獻長郎七歲患痢痢後成痺八十四

侄孫子患痢下紅膿如爛魚腸腹大痛日夜百次

元素內人雙胎難產治奇五

邵馬兄患嘔吐所出皆如爛猪肺八十六

許卓吟上吐血下冲血咳聲啞八十七

族嫂汪氏患痢赤白嘔吐痰涎粒米不入上者兩

月八十八

邵來儀大令眷咳吐紅痰如桃苓膿色八十九

程玄祖兄春温食復僵寢如死九十

汪即兄虫痛九十一

查景川氣虛瘡疥九十二

程玉吾內人孕七月內吹九十三

一黃氏婦受身足月發癰九十四

吳見南令郎心脾痛九又令郎八歲疳積虫痛六

新者... 侄女八歲腹高於胸咳嗽嘔吐甚則噴血九十七

從兄錙年五旬左脇痛手足抽搐不能步履九十八

小童上達脾虛發腫九十九

族侄良詮血痢腹痛百有發明

一婦胸膈有痰大便洩瀉大發寒熱百一

從弟婦程氏右脇痛不能睡背心疼胸膈作梗痰

中有血百二

黃懷虛原患吐血又咳嗽嘔吐左脇不能着席百三

一族婦年六十咳嗽口渴常吐虵虫百四

侄婦戴氏心痛徹背背痛徹心一發必七日百五

老僕來興痰火上壅胸脇背心脹痛百六

一婦生女不生子多思多鬱小便秘而不通轉脬

症也治奇百七

崑池太學內人牙痛一晚暈厥三次百八

一僕婦產難子宮墜出戶外半月不救治奇百九

侄孫媳程氏體肥經閉者八年百十

熊成八官早起行路眼見邪火二團滾來大被驚

駭百十一

醫案四卷

明新安生生子孫一奎文垣甫輯

門人 余煌

徐景奇

子 泰來 全閱梓

新都治驗

孫文學子元素多癆疥。近因沐浴。鼻涕出紅。面足浮腫。汗多。左脉大而有力。右寸亦大。據脉多思。

而氣不暢。以葛根大腹皮厚朴赤茯苓青蒿澤
瀉白木鬱金丹麻木通滑石黃芩水煎飲之。浮
腫漸去。惟鼻紅尚在口。且渴。改用當歸白芍藥
知母甘草石斛麥門冬五味子山梔子玄參調
理而愈。

婦因夫荒於酒色。不事生計。多憂多鬱。左跨疼
痛。且及於膝。小水頻數。大便頻併。臍腹脹疼。口
乾。脉之左手數。右手弱。近又發熱惡寒。一因痛
疼。時刻不寧。血食積痰。飲痰血流於下部。是厥

陰之經。挾鬱火而痛。恐成腸瘕。與神効瓜蒌散
一帖。半夜後痛即減半。汗亦尋止。次日脰之數
脉稍退。小腹堅如石。按之且痛。再與前藥。其夜
環跳穴亦作痛。直至於膝。小腹稍軟。小便仍痛
大便亦未通利。仍與前藥。每帖用大瓜蒌二枚
加牡丹皮莪朮五靈脂金銀朮。服下大便利而
熱退痛止。小水亦長。諸症悉平。

太學恒宇姪。令堂。仲春右肩筋搐腫痛。夜尤甚。次
日痛連胛下。出臙。八曲池。且洒浙寒熱。以二陳

湯加南星酒苓白姜蚕羌活秦艽歲靈僊服後
至子丑時痛乃減半。而筋不搐矣。紅腫畧消。次
日減去南星加當歸川芎。其夜肩痛又遞減。但
一夜不睡。口乾舌硬。用川芎當歸防風秦艽
草歲靈仙白姜蚕酒苓白芍藥服此熱全退痛
全減。飲食始進。以人參川芎白芍當歸甘草秦
艽姜蚕防風陳皮調理良安。三

族姪孫君錫頭痛。胸背脹。飲食下。鬲便吐。咳嗽不
住口。痰濁如膿。大便結燥。脉之。獨右寸洪大。以

二陳湯加竹茹滑石石膏酒連麥冬。連進四劑
夜與益元丸兼服而嗽吐俱止。惟痰濁如膿色
且腥氣觸人。此將欲作肺癰。改用牡丹皮麥門
冬山梔子甘草貝母枳壳桑白皮紫苑知母當
歸生地黃桔梗四帖全安。四

姪孫爾嘉。內人三孕而三小產。六脉滑數。迺氣血
血熱也。由其熱故多滑下。因其血頻下。心甚恐
怖。終日偃卧。畧不敢起身。稍起。血即大下。與生
地黃白芍藥白朮地榆桑寄生續斷甘草升麻

椿根白皮黃栢條芩服之。而血三日不來。惟白帶綿又下。過五日後。因有不得已事起身。稍勞血又大下。予謂血滑已久。如水行舊路。若不澁之。必不能止。又思血海甚熱。亦肝風所致。防風子芩丸。正與病對。宜製與之。又製白芍藥六兩。側栢葉條芩各三兩。防風椿根白皮各二兩。蜜丸服之。從此血止。胎安。足月而產一子。此後連產三子。並無胎漏之患。後遇胎漏。通用此法。莫不良已。附告同志。以便取用。五

馮臚薇垣姪內人。喉中掀痒。咳唾紅痰。兩寸關洪大。內熱生瘡。山梔子小蘗生地牡丹皮滑石青皮。麥門冬甘草黃連瓜蒌水煎飲之。而血止。嗽除。後遇勞心。即咳嗽。喉中血腥。總由上焦熱盛。而然。以枇杷葉山梔子生地白芍藥甘草牡丹皮。地動蜂天荅粉滑石紫苑。常服三五劑。兩月而安。六

戴萬奇丈中。痰後。而右手不能伸動。與之牛胆南星陳皮茯苓甘草天麻姜蚕黃連木通石菖蒲

防已服後手稍能動。惟左邊頭痛。喉舌俱痛。大便秘結。三日一行。又與川芎。荆芥。玄參。桔梗。柴胡。酒。芍。蔓。荆。子。苈。草。杏。仁。枳。壳。水煎飲之。諸症悉減。但下午體倦。右邊頭微痛。後又為怒氣所觸。舌掉不言。頭復大痛。與連翹。甘草。山梔。子。薄荷。石。菖。蒲。遠。志。木。通。麥。門。冬。五。味。子。白。芍。藥。黃。柏。調。理。而。愈。十

亮卿文學內人頭痛。遍身痛。前後心。兩乳。皆脹。玉戶撮急。肛門逼迫。大便三日未行。口乾。因大拂

意事而起。下午發熱。似瘧。惡心。煩躁不寧。而時當盛暑。迺怒氣傷肝。挾暑熱而然。以石膏三錢。青皮。柴胡。枳壳。各一錢半。夏。麩。黃。芩。各八分。甘草。桔。梗。各五分。夜與當歸。龍。會。丸。下之。大小便皆利。熱退。而諸症悉減。惟畧惡心。與青脾飲兩帖。全安。八

梓林兄。令眷。右手痛風。小水頻迫。起身稍遲。即出不禁。足有浮氣。年過六十。右寸關脈濡弱。左手和。此脾虛。停濕之症。近且咳嗽。用六君子湯加

蒼朮石菖蒲遠志大附子晚蚕沙倍加薏以仁
緩治而平。九

一婦經不行者三月大便瀉腹脹嘈雜吐酸水時
下白帶常惡心自以為有孕予脉之候非有孕
廼脾經有濕熱心經有瘀血症也與二陳湯加
白朮澤瀉猪苓酒連木通吳茱萸滑石麦芽山
查瀉止腹寬經行腰腹作痛以川芎三錢當歸
五錢香附丹參莢仁各一錢水煎服之經雖行
口中吐出黑血水甚多且亦有如膿者改用四

物湯加牡丹皮丹參桃仁紅苓山梔滑石調理
西月而痊。十

姪婦程氏下午喉痛近來痰多暈厥一日二三發
頭痛面赤素未生育左脉絃大右寸關滑大有
力以荆芥薄荷甘草桔梗玄參姜蚕柴胡枳壳
竹茹貝母水煎飲之連進二帖其夜得睡惟背
脹怔忡痰猶不清面多熱用黃芩枳壳甘草桑
白皮地骨皮天苓粉玄參前胡半夏麩橘紅山
梔仁調養而平。十一

江銀兄時疫熱病被發汗過度熱留胸中煩燥不止嘔惡不安汗竟不斂口且渴脉之獨西閔洪大此陽明之熱尚在當以白虎生脉湯為主石膏五錢知母三錢人參白芍藥甘草石斛各一錢麥門冬二錢五味子十五粒急煎飲之而熱退繼以益元丸服之而吐亦安十二

何明吾時疫食復大便不通嘔惡內熱昏憤不省人事或作夢語循衣摸床此熱在心色絡經以竹茹麥冬知母山梔各一錢陳皮半夏麴酸束

仁板實各八分甘草三分服之至夜半人事稍

清發熱未散用石膏三錢知母二錢竹茹麥門

冬生酸寒仁各一錢天荅粉陳皮各七分枳實

麥芽半夏麴各六分水煎飲之下午大便行而

熱退諸症悉愈十三

蘇州元素春溫頭痛發熱左脉絃大右洪大以小

柴胡合白虎湯二帖而愈迺為食復發斑色紫

神昏人事不省身重不能轉動即水火皆不自

知合目新睡形如醉人面赤發熱舌胎外黃內

思皆有其刺。三日後予至脉之六部俱浮洪。以
三黃石膏湯加枳實鱉甲進之。稍得微汗。大便
如。有真養。次日纔開目言語。乃進粥一盞。改以
小柴胡湯加山梔枳實鱉甲白芍藥調理而愈。
十四
僕子孫安。空晨出門。途次食麵三椀。飢勞感疫。因
麵內傷。表裏皆熱。及至績溪衙中昏悶。譫語頭
痛身疼。臍痛。醫不察為勞倦感疫。遽以遇仙丹
下之。大便瀉三四十行。邪因陷下。而為挾熱下。

利之候。急歸視之。舌沉香色。額疼口乾。燥渴煩
悶。昏又憤。又脉左絃數。右洪數。但不克指。知為
誤下壞症。以柴胡石膏各三錢。白芍藥黃芩竹
茹葛根各一錢。天荅粉甘草各五分。山梔子枳
實各七分。葱白五莖。水煎服之。後半夜吐蛇一
條。乃稍得睡。次早大便猶瀉二次。嘔吐酸水。腹
仍痛。改用小柴胡加滑石竹茹。夜熱甚。與絲瓜
汁一碗。飲既神頓清爽。少頃藥力過時。煩熱如
前。再與絲瓜汁一大椀進之。即大發戰。予謂此

四卷
戰非寒戰。乃作汗之徵耳。不移時汗果出。而熱猶然。憶活人書云。再三汗下。熱不退。以人參白虎湯加蒼朮一錢。如神。迹此再加玄參升麻柴胡白芍藥黃連。飲後。身上之斑先發者。紫。後發者紅。中夜後乃得睡。而熱散。斑尋退去。腹中微疼。腸鳴口渴。右脉尚滑。左脉已和。再與竹葉石膏湯加白芍藥蒼朮。服後睡安。腹仍微痛。用紫胡芍藥各一錢。人參酒苓陳皮半夏各六分。甘草三分。烏梅一枚。服此。腹痛漸減。精神駁又長。

矣。惟兩胯痛不能轉動。此大病後汗多而筋失養之故。宜當補益。人參黃芪白芍藥桑寄生枸杞子。薏以仁桂心牛膝。熟地黃水煎服。後加木瓜黃柏當歸。減去桂心。調養而痊。十五

一人喉疼。夜臥氣壅。不能伏枕。痰嗽不出。遍身生瘡。面足皆浮。夜間發熱。睡醒多出冷汗。此由脾經有濕。熱水氣不利而然。薏以仁。欵冬。蒼陳皮。貝母。前胡。羅蔔子。桔梗。桑白皮。茯苓。甘草。服此。喘嗽大定。乃得伏枕。惟下體腫脹不消。且膚皮

緊硬。小水黃。動作則頭眩。用大腹皮茯苓皮陳皮桑白皮五加皮生姜皮木瓜姜黃四劑而消。十六

善易數者何洗心。每飲食稍冷。饘粥或稀。必作脹。瀉理脾之劑。歷試不瘳。就予診之。左三部皆濡弱。右寸亦然。關滑尺沉微。此下元虛寒所致。法當溫補。以補骨脂杜仲兔絲子各二錢。山茱萸肉人參山藥各一錢。白茯苓澤瀉各八分。肉果五分。數劑而愈。十七

程湘孺人孫氏。鼻衄後眩暈。嘔吐清水。夜卧不安。腹中飢而食不下。由脾虛肝胆有鬱火也。以人參黃連白朮扁豆甘草陳皮半夏竹茹茯苓石膏水煎調養而平。十八

姪君孝。後溪兄次子也。三月患頭項痛。腰脊強。遍身如被杖。臍腹亦痛。口渴不寐。飲食不進。六脉浮數。吳醫以為陰虛。為滋陰降火。三投而三劇。反加嘔惡。又與踈通熱。充不退。下午煩亂。延方和字文視之。以為外感。擬進人參敗毒散。吳爭

之。謂陰虛體弱。難再汗。仍用四物湯加柴胡葛
根薄荷黃芩知母而熱如焚。神且昏冒矣。予時
遠出。促歸。診之。六脈浮絃而數。鼓指語之曰。此
春溫症也。方。診良。是因復加內傷。以故病劇。滋
陰之劑。壅而作滯。且引邪入於陰分。宜乎熱加
而躁悶也。法當清解。兼消可愈。無傷。以一陳湯
加羌活柴胡防風麦芽山查。服下得微汗。熱退
其半。惟下午作潮。大便未行。腰膈之痛不止。用
小柴胡湯加葛根白芍藥青皮黃連山查。飲下

熱又少退。大便已行。腰膈之痛亦隨減去。但
知餓。再。以柴胡甘草青皮枳實麦芽知母黃芩
白芍藥。諸症悉平。惟覺體倦乏力。加人參白扁
豆薏以仁。減去柴胡青皮。調養而痊。十九

一僕婦頭疼。喉嚨痛。咳嗽。嘔惡。吐痰。胸膈作脹。經
水適來。身熱口乾。此少陽經痰火症也。用柴胡
為君。半夏白芍藥竹茹為臣。葛根天冬粉橘紅
桑白皮黃芩知母為佐。甘草桔梗為使。一帖微
汗而熱散痛除。惟痰嗽不轉。小水短瀉。柴胡知

母竹茹麥冬各八分。白芍藥一錢。滑石三錢。黃
芩貝母桔梗各七分。五味子十二粒。甘草三分。
一帖而瘳。二十

族侄婦范氏。大叅臨老女也。素有痰涎。胸腹痞脹。
近因乳腫。大發寒熱。欲成癰毒。以加味神效瓜
萸散二帖。寒熱雖退。而腫不消。用貝母白芷為
臣。瓜萸為君。赤芍藥當歸連翹為佐。青皮甘草
柴胡為使。痛雖減。而腫仍不消。脈之近數。知已
成膿。乃與內托十宣散。加金銀朮蒲公英。兩帖

而膿潰。因脚上生瘡。而有浮氣。前方去蒲公英。
金銀朮。加薏以仁。蒼耳子。調理全安。二十一

表姪女黃氏。孕已七月。患赤痢。腹痛後重。體素弱。
舉家甚憂。以白芍藥三錢。條芩一錢。伍分。白木
地榆各八分。甘草三分。二帖而愈。後五日報云。
因稍勞。痢又復來。教以當歸三錢。川芎一錢半。
真阿膠二錢。艾葉三分。一帖全瘳。二十二
一程氏婦。吾孫門女也。小產後。二十日矣。患赤痢。
一日十餘次。怯寒惡食。小腹脹痛。脘之右寸滑。

大知其虛中有熱。憶其惡露未盡。故小腹脹痛。專科泥丹溪產後大補氣血之語。察施之。因而作痢。乃翁曰。病尚怯寒。何云有熱。予曰。書云。惡寒非寒。明是熱症。由熱極而化水也。飲藥後當自知之。以白芍藥當歸滑石為君。桃仁酒苓酒連為臣。木香桂皮枳朮為佐。青皮為使。服下果去臭黑瘀血甚多。小腹頓寬。惟口乾小水。以惡心怕飲食。體倦仍稟。急後重。人參川芎白芍藥各一錢。當歸一錢五分。酒連陳皮各六分。木香

二分。外與清六丸服下。熱除痢減十之八矣。但大便不實。惡心虛弱。以四君子湯加酒炒白芍藥陳皮木香肉果酒連當歸養之而平。二十三孫竹塹浙歸途次受暑。又為酒麪所傷。因而作吐。胸膈痞悶。時師以消導之劑。燥動脾火。口渴嗜噉。躁亂不寧。自珠如金。一身盡黃。已成疸症。胗獨右寸脉滑大有力。先以溫胆湯倍加香薷滑石葛根解暑止吐為君。黃連麥門冬清熱止渴為臣。使濕熱散而黃自瘳也。連與三帖吐止食

進黃亦定矣。再與五苓散加青蒿葛根滑石黃連枳實八劑而黃釋然。十四

程菊泉暑月患喘嗽咳連聲。濃痰滾滾。行動則喘促不寧。夜分口渴。胸膈脹悶。兩寸脉滑而數。西關絃。此肺有宿痰。膽有鬱火。內經云。火鬱發之。又云。風寒外束者可發。用紫蘊子半。夏麩杏仁各一錢。石膏二錢。款冬。桑白皮各八分。桔梗。枳壳各五分。麻黃三分。服下無進退。改以杏仁。陳皮。人參。貝母。款冬。冬麥。門冬各七分。黃連以

仁一錢五分。桔梗。知母各五分。五味子十一粒。桑白皮一錢。陳皮六分。服下痰減大半。胸膈仍不舒。口仍乾。脚仍熱。前方減去款冬。冬麥。五味子。加枳壳。葶藶子。兩帖全安。二十五

狂應禎兄胸膈背心時常脹疼。頭眩暈。脚軟弱。手指痛。咳吐紅痰。診其脉左關絃大。右寸關滑大。予謂此食飽後感於怒。老痰瘀血積在上焦。宜其胸背脹疼而熱壅也。治當清化上焦。使新痰不生。宿痰磨去。則萬全矣。如落時套。用地黃山

系老口卷
一四
茱萸等滋陰降火之劑。是以滯益滯。則熱無由去。痰無由消。而痰益增。不去也。病者聞言。愕然曰。未見公時。業已服過一月久矣。疑其飲食損而熱尋加。胸背痛脹。遍長哉。予曰。今反轍。辛早耳。再遲。則敗事。亟以青皮。枳殼。陳皮。快其氣。而疎其壅滯。蓋痰隨氣行也。貝母。桑白皮。以消餘痰。而清其嗽。牡丹皮。滑石。桃仁。消其瘀血。山梔仁。開鬱。清熱。白芍。藥伐肝。補脾。甘草。調和諸性。緩而理之。當見其去。泰去甚也。別後半月。復書。

報云。胸背之脹。減三之二。血已一日止矣。痰

舊。改以山梔仁。牡丹皮。丹參。赤芍。藥。桃仁。各八分。滑石三錢。五靈脂。當歸尾。各一錢。半夏。麩。青皮。各六分。諸症悉去。獨足心熱。再以黃柏。知母。以仁。牛膝。甘草。白芍。藥。茯苓。陳皮。貝母。石斛。牡丹皮。調之。如初。二十六

虛山內人。胸脇脹痛。五更嘈雜。每一嘈雜。則痛發更甚。左寸關脈洪滑。右關亦然。此肝胆有鬱火。胃中有膠痰。適有餘之疾。內經云。木鬱則達之。

蓋木火之性。貴乎疎通。當以龍會丸條而達之。顧痛則不通。通之則不痛也。服龍會丸一錢五分。大便行一次。痛隨殄迹。惟穀不開。以陳皮紫胡貝母茯苓甘草芍藥酒芍香附杏仁桔梗調之而安。二十七

婦當暑月。小便不利而痛。玉戶腫。且又便血發熱。左脉絃數。右寸短弱。此肺氣不足。肝火太熾。蓋肝為血海。肝又主小便。玉戶為肝經所絡之地。治當疎決肝經壅塞。俾氣暢則衄血得以歸。

經熱。小便水可不痛。而腫亦可消矣。

三錢。桃仁當歸白芍藥各一錢。柴胡黃連各一錢。各八分。川芎六分。甘草桂皮白芷各三分。四劑而病如失。二十八

疾弟婦戴氏。腹中痛。多在臍腹。白帶如注。四肢痠疼。大便裏急後重。已成赤白痢矣。脉之兩寸關俱滑數。尺亦數。以白芍藥當歸黃連黃芩木香檳榔桂皮甘草滑石桃仁桔梗一劑而紅止。惟小水短澀。下午發熱。大便一日夜仍四行。改用

白芍藥當歸白朮陳皮滑石甘草茯苓厚朴酒
 連酒苓桔梗柴胡木香飲下諸症悉愈惟頭痛
 腰疼再以桂心當歸白芍藥白朮茯苓甘草酒
 苓酒連破故紙木通黃柏煎服全安二十九
 族弟應童胃脘當心而痛手不可近疑有瘀血使
 然玄胡五靈脂牡丹皮滑石川芎當歸甘草桃
 仁桔梗香附水煎臨服加韭菜汁一小酒杯其
 夜痛止得睡飲食亦進惟大便下墜逼迫不安
 此瘀血已動欲下行也前劑減去韭菜汁一占

全安三十

予弟淑南額痛遍身疼口乾舌胎黃厚左脉浮大
 六部俱數時當仲秋初旬以小柴胡合白虎湯
 加羌活熱仍不退下午用六神通解散以葱湯
 調服三錢熱稍退至半夜後又復熱額疼頂巔
 尤甚舌根黃且焦黑小水赤痛煩躁不睡遍身
 又痛此三陽合病暑症也次日以小柴胡大加
 石膏為君藁本白芷竹葉粳米生姜大棗少頃
 汗大出至足熱始盡退猶煩躁不睡仍以小柴

胡湯加桂枝山梔子竹茹竹葉飲下煩躁寧而得睡餘熱悉平精神爽而向安矣。三十一

一富家婦當仲秋大小便秘者三日市師以芭豆丸二帖大便瀉而小便愈秘脹悶臍突二寸餘前陰脹裂不能坐卧啼泣呻吟欲求自盡此轉浮病也相樹東行根皮一寸滑石二錢玄胡索桃仁當歸蘗麥各一錢水煎臨服入韭菜汁半杯服後食頃而小便稍行玉戶痛甚小便非極用力努之則不能出改用升麻桔梗枳壳玄胡

索煎成調玄明粉二錢乃提清降濁之意服後大小便俱行始不脹急次日報云每大小便來時腹中先痛有淡血水小便短再以丹參丹皮當歸白芍藥甘草青皮香附玄胡茯苓山梔子山查兩帖各症良安。三十一

孫文約孺人年八十有三胃脘疼痛手不可近腹中飢而飲食不能下兩寸關脉滑大兩尺沉弱此血虛氣滯症也先與積氣丸一服而痛減半再用生白芍藥山梔子五靈脂各一錢酒炒白

芍藥二錢粉草山查香附各八分。一帖全安。三十三

應童族弟。三陰癰發於子午卯酉日。已四越月。爰每發於夜。熱多寒少。左脉微絃。右關滑大。以二陳湯加柴胡黃柏川芎當歸黃連。兩帖而熱稍輕。飲食不進。四肢懶倦。脾氣大虛。白朮何首烏各三錢。鱉甲二錢。青皮七分。烏梅一個。一帖而截。三十四

太學程好吾。個儻博洽士也。季春患西太陽痛。咽

脇稍疼。口渴大便水瀉。左脉浮絃而數。

力。右關滑大。予曰。春溫症也。柴胡前胡葛根粉草青皮黃芩知母桔梗半夏麩石膏。半夜後得微汗。因起大便。感風續。又發熱。依然口渴。更覺煩躁。石膏三錢。知母柴胡各二錢。葛根黃芩各一錢。粉草桔梗各五分。竹葉二十片。兩進而熱出。熱解。諸症悉平。四肢尚倦。口微乾。語言乏力。以生脉湯加薏以仁石斛甘草白芍藥黃芩調養如初。三十一

令媳長卿之婦。腹中微疼。經行不流利。喉痛。四肢麻木。作戰。不知飢餓。右脉洪大如菀豆。以川芎香附。麥芽。山查。烏梅。粉草。桔梗。酒苓。防風。荆芥。白朮。茯苓。四劑而安。次月經水大行。以黃耆。阿膠。蒲黃。各一錢。白芍藥。二錢。粉葛。三分。一帖而止。此後但覺濁氣下墜。屁從子戶中出。以補中益氣湯。加酒炒黃連。調養而平。三十一

族子應童之弟。十月發三陰瘡。至次年仲春未止。

每發於辰戌丑未日。後寒多熱少。夜有盜汗。左脉軟弱。右關尺絃數有力。用白芍藥。當歸。各一錢。白朮。二錢。柴胡。川芎。粉草。砂仁。桂枝。酒苓。各三分。生姜。三片。水煎服。再以何首烏。白朮。鱉甲。各三錢。柴胡。一錢。青皮。酒苓。甘草。各五分。烏梅。一個。生薑。三片。水煎。臨發日五更服之。兩帖而止。後半月下。身大生瘡。癩。以東坡四神丹。調理而痊。三十七

油潭吳中岳孺人。先感風邪。後傷飲食。發熱頭疼。

腹中作脹。醫與芑豆丸瀉之。而熱不減。後醫又以大黃重瀉之。而熱亦如初。再後醫謂瀉而熱不退者為虛。大用參耆白朮補之。補經四日。神氣昏沉。不知人事。乃敷予胗。左脉絃數。右關尺沉數有力。舌尖沉香色。舌根焦黑。芒刺。語言含舌不清。扣前服藥。始知妄下妄補。不思飢饉之餘。疫氣為厲。誤成壞症。危而且殆。姑以知母紫胡各三錢。石膏六錢。枳實天荅粉各五分。粉草黃芩麥冬各一錢。山梔子生地黃各七分。參

六分。竹葉三十片。生薑三片。水煎飲之。中夜後人事稍清。微有汗。舌稍柔。和語言已不啞。舌駸駸然有生氣矣。次日前方減去地黃。加白芍藥。古心焦黑盡退。諸症十減其七。但大便五日未行。遍身尚痛。咳嗽。與七制化痰丸二帖。再以石膏二錢。麥冬貝母各一錢。前胡枳實黃芩梔子各六分。甘草三分。桑白皮八分。煎服而安。三十

歸子五保。時疫耳聾。體有熱。口乾。大便五日不行。

人事不清。竹葉黃芩柴胡半夏麩甘草枳壳天
荖粉知母煎服而熱渴更甚。大便行而瀉。手攣
縮不能伸。且發呃。或又咳嗽。改以柴胡石膏竹
茹人參甘草麥冬半夏麩橘紅黃芩黃連一帖
而呃止瀉除。諸症悉罷而安睡矣。三十九

僕子孫守。以中麻咳嗽。無痰。上唇厚腫。體熱。大便
燥。聲啞。以麥門冬知母瓜萁仁甘草白芍藥桑
白皮地骨皮石斛枳壳五味子。服後嗽減其七。
廼減去瓜萁枳壳。以其大便已溏。加生地黃當

歸薏以仁調理而安。四十

僕子得貴。春溫頭痛。體熱面赤。舌心焦燥。以石膏
柴胡葛根甘草黃芩知母天荖粉白芍藥服之。
而舌不焦黑矣。進粥太早。半夜後又復發熱。中
脘硬痛。與大柴胡湯一帖。汗出津津。大便行二
次。腹痛不止。乃以小承氣湯調下。玄明粉一錢。
大便又行二次。熱不退。而痛全減。旋作鼻衄。改
以石膏牡丹皮生地黃山梔子甘草升麻黃芩
赤芍藥一帖。而熱散衄止。四十一

八二
政春溫後。經水適止。餘熱不退。口中甘
渴。胸脇痛。而耳重。脉左絃數。右滑大而數。小柴
胡加石膏。知母。桔梗。枳殼。葛根。瓜蒌。半夏。麩。服
下而熱渴如舊。改用柴胡二錢。人參。甘草。天
粉。黃芩。各七分。白芍藥。紅朮。當歸。牡丹皮。知母
各八分。調理而瘳。四十二

朱氏子天送。時疾。頭疼。身若燔炭。口渴氣促。中酉
刻熱潮更甚。舌心焦黑。遍體紫斑。語言含舌不
清。時多發呃。耳聾。先治者。誤進藿香。止氣散。而

加嘔逆水瀉。又醫以可。唯血甚。熱轉增。

迎予為診。六脉俱洪數。此少陽陽明合病之疾。
以石膏五錢。知母。柴胡。各三錢。黃芩一錢五分。
半夏。麩。麥門冬。竹茹。橘紅。葛根。各一錢。粉草。枳
實。各五分。服下熱退。其舌不燥矣。再以柴胡
半夏。麩。白芍藥。竹茹。各一錢。石膏三錢。麥門冬
知母一錢五分。黃連。甘草。人參。各五分。水煎飲
之。而斑退。諸症悉平。四十三
朱桃源內人。胃脘疼。年五十有二。經水尚行不止。

一月且二至。每至十餘日不淨。白帶淫淫下。常
苦。夢遺。近又眩暈。先與^補氣丸一帖。以止胃吐
之痛。再以逍遙散加石蓮子蓮荅心五倍子煉
蜜為丸。每早晚白湯送下二錢。夢遺竟絕。四十一

四

桂亭兄。壯年原有濕熱痰積。年逾艾。偶墜轎。跌傷
背脇。專科以草藥敷貼於外。內以藥酒攻之。而
愈。越十五年。左脇痛。手不可近。左脉絃數。堅動
搏指。小腹亦痛。知為^癥瘕。及痰積。作祟。以青^石

赤芍藥黃連當歸尾各一錢。桃仁一錢五分。大
黃二錢。滑石三錢。水煎。臨服調玄明粉一錢。服
下。吐出痰涎。碗餘。大便僅行一次。而左跨及腿
膝皆痛。夜睡不安。由小腹痛甚之故。此瘕物欲
行而未能也。再與大黃當歸尾紅荅牡丹皮赤
芍藥各一錢。桃仁二錢。滑石三錢。青皮八分。調
玄明粉一錢。再下之。大便行三次。皆沉香色。稠
粘。痰物。腹痛雖除。跨痛仍在。用乳香沒藥歸尾
紅荅各一錢。桃仁滑石各三錢。大黃二錢。川山

甲丹參各一錢五分。服後大便行四次。所下皆
熱黑如筋膜者。不可勝計。諸病悉減。因食鷄湯
牛肉。臍腹又痛。裏急後重。此餘積未盡。欲再下
之。舉家驚怖。謂六旬已外之年。已下數次。恐脾
弱不能再下。予曰。醫貴認病。何以年齒數下拘
哉。今藥力到而積已動矣。破竹之勢。可迎刃而
解。若失時姑息。恐疔日滋蔓。欲下難動也。行後
而補。庶無反顧之憂。大兄然之。以紅朮桃仁當
歸尾赤芍藥山梔仁玄胡索牡丹皮川山甲滑

石煎調玄明粉下二次。紫黑痰物如前之半。腿
跨小腹痛則俱釋。次日用人參茯苓白芍藥粉
草陳皮山查桂心當歸半夏調養半月。精神步
履飲啖一如舊矣。四十五

江右熊二官。疫後食復額痛口渴。謔語神昏面青
舌黑。鼻中停灰。不省人事。小水短少。勢已危急。
以小柴胡湯減去半夏。加石膏知母當歸山梔
子豆豉枳實。急與服之。一飲便得微汗。熱退大
半。次日以柴胡滑石甘草知母石膏人參桔梗

黃芩天荅粉與之。舌黑始退。人事乃清。飲食纔進。霍然生矣。四十六

堂弟東里內子咳嗽吐紅。發熱頭眩。脚膝乏力。先已服滋陰降火十數劑不愈。飲食漸少。精神漸羸。懇予治之。兩寸脉蠱。又如貫珠。兩尺俱軟弱。此上盛下虛之候。上盛者。痰與瘀血也。下虛者。腎陰弱也。且生平好飲。不無助熱。法當先清上。焦。化去瘀血。宿痰。然後以養陰藥收功。則病根可刈。癆瘵可免也。用貝母。煑壳。桑白皮。清肺。地

痰。滑石。桃仁。牡丹皮。小蘗。消除瘀血。山梔子。甘草。白芍藥。養血以祛餘熱。三帖後。紅漸稀。必前後心始不脹痛。惟痰嗽不止。大便結燥。減去滑石。桃仁。加瓜蒌。黃芩。紫苑。調養而平。四十七

由溪程竹坡孺人。年過六十。為疫所染。頭疼。口渴。舌胎前黃燥。後紫黑。身熱沉重。人事昏憤。語言錯亂。小水短澀。嘔逆煩躁。合目不開。諺語不輒口。耳聾。胸脇痛。時五月初旬也。迎予為診。左浮而絃數。右洪長而數。診畢。仲君清夷問曰。何症。

予曰。此熱病類也。清夷曰。因體熱。便名熱病乎。
予曰。否。否。仲景謂春溫過時。為熱病。矧茲又為
熱癘也。邪在陽明。少陽二經。又問曰。可生乎。予
曰。脉症對。可生也。此症遠。邇染延。甚夥。不足恠
清夷曰。適方和字。亦云。少陽陽明二經之病。二
公所見。既同。乞啗確一方。為幸。予與和字。診多
符合。即以柴胡石膏為君。知母麥門冬。天荅粉
竹茹為臣。黃連為佐。甘草枳壳桔梗為使。連進
兩帖。丑刻微汗。熱退神清。不虞即進葷粥。下午

又復大熱。譫語昏沉。舉家驚怖。予曰。此食復也。
即以小柴胡湯加山梔子枳實淡豆豉鱉甲四
劑。復得汗。熱從散去。神頓清爽。仍口渴煩躁。以
生脉湯加黃連香薷竹茹竹葉而安。四十八

程家內眷。歲溪汪氏女也。乃夫歿於疫癘。新寡七
日。疫即及之。大熱頭疼口渴。胸脇併痛。醫與小
柴胡湯。夜忽夢夫交洩。而覺冷汗滂滂。四肢如
解。畧不能動。神昏譫語。面如土色。舌若焦煤。強
硬。透予診之。六脉沉絃而數。大小便俱秘。此亦

陰陽易顛也。沒後有是危已極矣。予以生脉湯加柴胡黃芩桂枝甘草水煎成。將乃夫昔穿舊袴襦燒灰調下。兩劑而神醒。體溫汗斂。舌始柔和。焦亦漸退。次日仍以前方加酸棗仁竹茹四肢始能運動。乃飲粥湯僅一子。甫十歲一女甫十四。繼被疫困。均以六神通解散汗之而安。妯娌及婢輩六人。皆六神通解散瘳之。舉家德予以為再造。再造四十九

佚姪太學從明。夏初由客邸患滯下。調半痊而歸。

因食隔宿猪首而復裏急。後重晝夜三四十度。日漸沉困。口渴胸膈焦辣。手心熱。腹微痛。小便少。每解時先乾噦嘔惡。汗出飛飛。下皆稠粘紫黑血。無糞。彼素知醫。且慎重。不輕服入藥。敦予胗之。脉左沉絃。右滑數。面色外黑內黃。飲食不入。肛門辣疼。予以渠原稟薄弱。今遠歸途。次不能無勞。不敢踈下。姑以胃風湯加黃連與二帖。不効。腹稍加脹。渠叮予曰。古云無積不成痢。顧積勢膠固。切勿用補。無以體素弱為疑。予曰諾。

改用黃芩芍藥湯。三劑無進退。迺私語渠姪元亮曰。令伯之症。實實虛虛。熱熱寒寒。寔不易治。且穀食禁口不入。乾噦可慮。須得明哲參治。元亮從容言之。欲得方古。墩為羽翼。諸相契及內眷。迺相讚言。太學不從曰。吾豈不重命而吝費哉。顧新都之醫。無如叔最明。吾之交。無如叔最厚。舍叔安所倚。元亮曰。叔祖善矣。能用人之長。得一雋商確。可無後慮。太學憚然曰。知莫貴於知心。吾知其心久矣。專任勿疑也。了知渠信任。冬

若金石。益加研矣。圖欲先開胃口。使新穀食將宿穢壓出。或補或攻。視緩急以為方畧。迺背囑元亮曰。令伯非人參不可。幸且勿露。俾予得以盡技。元亮曰。諾。迺倣朱丹溪法。用人參黃連各二錢。煎濃。細細呷之。但得一呷。下咽。胃口便開。噦惡便止。蓋胃口虛熱衝上為噦也。其日用之噦惡。即止大半。連與兩日。覺胸腹脹。即以保和丸應之。覺小水不利。又以清六丸應之。裏急後重。以參朮加芩連木香枳。即滑石桃仁應之。人

參皆背加。太學不知也。渠每盼必叮予曰。日來疾稍平。叔之力也。幸勿遽補。恐廢前功。予曰。如教。詎知人參已服過十日。計二兩許矣。此後脉僅四至。軟而無力。憶丹溪云。虛回而痢自止。又云。氣虛甚者。非附子不能行。參著。迺以胃風湯加黃耆附子姜炭四劑。而血全無。後重亦止。惟大便瀉而不實。所下俱黃糞。渠知積滯已盡。始欲理脾。用參苓白朮散服十日。便仍不實。迺問曰。補脾而瀉不止。柰何。予曰。據脉迺下元虛。

六。殆腎淺非脾淺也。溫補下元則固矣。蓋腎者胃之關。初不敢用下劑者。慮有今日也。教以兔絲子破故紙杜仲山茱萸人參大附子白茯苓澤瀉四帖全瘳。里中稱太學能知人。而予不負所任也。五十

查少川公。年四十三。夙有哮喘疾。每發則遍身如瘡。氣賁賁上騰。息息短促。喉中痰聲响若湯沸。經七晝夜。汗而漸平。居常嗜飲。通宵不輟。醉後縱慾。不避風寒。族中有教以石膏麻黃杏仁枳

壳細茶各一兩。作大劑飲之。名曰五虎湯。喘至
即以此禦之。隨飲而止。屢發屢進。應若桴鼓。公
喜甚。時為保命丹。寓大通一月。邑中麻黃石膏
為之缺市。詎知情慾無窮。胃中冲和有限。三年
之間。飲五虎者。殆不可以數計。而胃中之冲和
者。亦不知損之何若也。因而腹大若覆箕。兩腿
光腫如柱。內外癰疥瘡中清水。涓涓流之。不竭
晝夜。腥氣逼人。不能伏枕而卧者五越月。自儀
楊醫起。聞京口之醫如何。張者最良。遍延治

之彌月。卒無一驗。又令京口。抵姑蘓。歷嘉杭。凡
有名者。悉迎療之。而執刀益劇。昇回至岩鎮。鎮醫
擅名者。吳與方也。先詰曰。吳。吳駭。辭不治。就方。方
盱視久之。曰。公疾非常。必得非常人。迺可已。公
曰。先生世家大方。昔在兩淮。且人人引領。願得
先生一盼。為快。何我棄而使需非常人也。今世
非常人。舍先生其誰。方曰。嘻。公貴邑孫生生者。
名動三吳。今歸不出。亟迎治之。或可無恙。公扣
孫生生居何里。狀何若。方書予姓氏里居與之。

歸即懇程公山氏紹介。迺予時長至後一日也。至則見公坐高椅之上。氣高而喘。身熱而煩。覆以綿被。足納火箱。前後左右。環火五盆。首戴絨帽。帽外籠以貂套。套外仍束一帕。鼻用絨套籠之。明設重幔。猶凜凜怯寒。矜其脉浮大無力。睇其色白中隱青。徐問公曰。惡寒。身熱。從何時起。公曰。十日。予曰。據色。據脉。予已得其概矣。公歷數府名家。認為何症。擬何湯劑。請詳述之。公曰。衆論落落不一。先生心字博見真。願惟命。予曰。公

疾。迺氣虛中滿。法當溫補下元。人徒知利小水。不知小水不利者。由下焦之氣不充。不能滲從膀胱。故道而行。若利之急。則汎濫而橫流肌膚。下於陰囊。甚則脹裂崩塌而出。若使下焦壯盛。則小水自通。譬之甑炊釜底水火交旺。甑中之氣自然蒸騰。若霧若露。內經曰。上焦開發。宣五穀味。薰身充膚澤毛。若霧露之灌溉。是謂氣。故曰。上焦如霧也。清陽升。則濁陰降。降下則為小水。故曰。下焦如瀆也。瀆者水也。言下焦為決水。

之官。水道出焉者。是也。人之汗。即此霧露之氣。小水即降下之氣。蓋水者。水之母。由氣化而為水。故又曰。氣化則能出矣。融衆理而觀之。總由下焦元氣壯盛。斯能升降變化。清陽升。濁陰降。即地天交之泰。陽不升。陰不降。即天地不交之否。否者。塞也。此脹滿之所由生也。公之疾。起於五虎湯。致臟寒。生滿之病也。公曰。善。吾廼今始知致病之源。第近來身熱。手熱。鬲內焦辣。而外惡寒。竟不解。孰為熱。孰為寒也。予曰。仲景云。傷寒

必惡寒。由寒邪在表而然。合先散之。胸鬲焦辣者。廼陰盛格陽。虛陽之火。被寒氣驅逼上行。非真熱也。經云。水沍濕火就燥。但得下元一溫。熱自下行。公曰。然。唯先生命劑。予以紫蘊馬蹄葶炙甘草防風白豆仁蒼朮陳皮人參羌活生薑一帖。而得微汗。悉徹去環列之火。僅存足底一盆。首上所覆之帖亦去。獨鼻寒如初。廼用防風黃耆二兩煎湯。置器中。令薰其鼻。飯頃而止。一日凡三薰。次日自與套亦除。嘔惡不止。用人參溫

膽湯加丁香進之。一帖而止。又謂鯉魚能利水。一日盡二斤半。夜脹極。廼告急於予。予曰。病執如是。固廼縱恣。若此等閑之劑。曷能消釋。沉思久之。以平胃散一兩。入椒糝。肉一兩。水煎飲之。兩劑而定。獨腹脹。小水不利。不能伏枕。為苦。廼以附子理中湯。加砂仁。補骨脂。赤小豆。桂心。連進四帖。小水畧具。繼以尊重丸。日三服之。每服五丸。五日後。小水通利。可貼席而睡。守此調理。腹脹漸消。兩月大平。三月而公出市。市中。

予寔從公始。五

夏益吾。肢節腫痛。手足灣痛。腫尤甚。不能動止。凡腫處皆紅熱。先起於左手右足。五日後。又傳於左足右手。此行痺症也。且喘咳氣湧。不能睡。左脉浮數。中按絃。右滑數。廼濕熱風痰壅遏。經絡而然。以茅山蒼朮。姜黃。以仁歲。靈僊。秦朮。知母。桑白皮。黃柏。酒芩。麻黃。水煎服下。而右手腫消。痛減。夜服七製化痰丸。而嗽止。廼得睡。再劑。兩足灣消其半。左手經渠列缺穴。邊腫痛殊甚。用

以仁蒼朮秦艽甘草天荅粉五加皮石斛前胡
枳壳葳靈仙當歸旋服旋愈五十二

初陽姪迺政先時咳嗽諸治無功且嗽急則吐用
碧玉散二錢白湯調下立止後半年復咳嗽胸
背隱隱疼痛身常內熱咳出挑荅膿不可勝計
腥穢之氣甚惡右脇并乳脹痛脉洪數大便燥
肌瘦骨立此肺癰症也用貝母黃根白芍藥各
一錢知母麥門冬山梔子紫苑各八分桑白皮
當歸牡丹皮杏仁各七分意以仁一錢五分其

草葶藶各五分水煎服之服此甚安但要常服
若一缺藥其疾便發據此肺竅中痰積於血尚
多未能即去宜緩圖之書云俟膿去盡當自愈
也愚謂丹溪雖有此言亦不可固執設不以藥
消化之必俟其膿自盡恐歲月深而有他變且
中年之人何能當此莫若清熱潤肺消痰化痰
以而服之或早愈也方黃吳諸公謂久咳傷肺
每每投補屢被紊之每補必增熱加痛加咳而
膿轉多予曉之曰諸公之意誠良其如病加何

是姑息之謂也。古人不務姑息。惟以去病為安。夫姑息可以養病。非所以去病也。獨汪無懷然予言。守予法。二年良愈。肌長如初。五十三

族姪仲木內人。賢淑婦也。不育多鬱。腹脹。左脇不能側臥。亦不能仰臥。仰側臥。即氣湧。每午夜背心作脹。氣喘。吐痰發熱。必起坐。令人揩摩。久之始定。面有浮氣。右寸關脈滑大有力。此氣鬱食積痰飲症也。蓋憂思傷脾。思則脾氣結。氣結不行。則五穀之津液皆凝聚為痰。故喘急作脹。先

與定喘湯二帖而無進退。繼用核桃肉五錢。杏仁三錢。人參桑白皮一七分。水煎服之。氣喘迺定。惟腹中脹急。改用一桐紅半真麩木香白豈仁。鬱金羅蔔子姜連香附茯苓四劑。大便痰積隨下。腹脹尋消而愈。五十四

族姪孫女年甫十歲。大便脫肛。鼻中時常出血。夜多咬牙。肚熱面黃。將成癰症。以山查青蒿枳實升麻酒連滑石各一兩。其草蘆會乾蟾各五錢。俱為末。神麩糊為丸。一料全愈。五十五

唐岩祈首秋患痢赤白。延至次年春分不愈。腹中作脹。不知餓。每行動則氣喘。四陽之末皆冷。陰囊腫大。便日夜十數行。而肌肉甚瘦。小水短少。飲食減半。面黃兩跗腫大及踝。與平胃散加酒連猪苓澤瀉升麻防風酒炒白芍藥薏以仁。外與香連丸合益元丸相兼服。四日而痢止。迺知餓而加食。精神爽悅。再四劑。兩跗陰囊之腫皆消。惟咳嗽。用薏以仁酒炒白芍藥粉草澤瀉杏仁桑白皮陳皮姜連之袪。苓姜黃葛根蘿蔔子三帖而嗽除。但體乏力。與六君子湯加補骨脂薏以仁滑石紅麴酒炒白芍藥桔梗麦芽調養半月而全瘳。五十一

姪婿程東山仲夏患休息痢。所下皆紫血。腹痛迨清明猶不愈。醫藥備嘗。體倦肌瘦。或三五日一發。或七八日一發。發必三日。迺止。予為診之。左瀯而右滑。據脈有瘀血。痰積。近來小水不利。姑用四君子湯加滑石紅麴陳皮山查澤瀉升麻。服後微覺有熱。改以四君子湯加滑石桃仁紅

麴酒連神氣稍旺。脾氣始回。廼用畚鴉胆三錢下之。果去紫黑血塊。及如敗魚腸者半桶。從此痛除痢止。次日以六君子湯去半夏加酒炒白芍藥。山查紅麴滑石桃仁升麻調之。報云胸膈作脹。恐積滯未盡。而服參朮。欲再下之。予為再診。兩寸短弱。兩尺洪大。前日滑瀉。二脉俱無。此陽虛下陷之候。宜當大升大補。以六君子湯大加黃耆為君。酒炒芍藥為臣。升麻桔梗為使。服此胸膈寬快。精神亦好。惟肛門熱。前方加酒連。

減半夏脫然平女。五十七

陳氏婦。腸鳴腹痛。大便溏瀉。合目即汗出。下午潮

熱。醫謂潮熱盜汗。廼虛怯之症。加之洩瀉。脾氣

壞矣。視為不治。洩予診之。右脉濡數。左脉洪數。

予曰。此鬱火痰積症也。蓋憂傷肺。思傷脾。飲食

因而不化。積而生痰。故腹痛溏瀉。但理中焦消

去痰積。可瘳也。以四君子湯加半夏麴滑石紅

麴。麥芽以仁酒炒。白芍藥酒炒。黃連牡蠣桔梗

八帖。而病去如釋。五十八

元德姪耳鳴。氣築築然閉而不通。鼻塞不利。口不知味。痰多而鬲熱不清。脉左浮而絃大。右滑太。俱數。內經云。頭痛耳鳴。九竅不利。腸胃之所生也。此由胃中痰火上壅。熱極生風。廼以蔓荊子升麻木通赤茯苓桑白皮麥門冬生地黃前胡甘菊苓赤芍藥甘草石膏生姜三片。東子一枚。水煎飲之。四帖左。絃雖減半。而症尚如前。再用甘菊苓橘紅半夏麴茯苓甘草知母白芍藥酒。芩麻黃石膏桑白皮桔梗加姜東。又四帖而諸

症悉平。後以六君子加酒連紫胡川芎白芍麥門冬升麻兩帖。飲食亦其味矣。五十九

陳覺字夫常山縣人也。年四十有三。體肥。患痰火

十年多矣。每月必一發。或勞心過度則二發。吐

痰身熱。吼喘。飲食不進。不能倒頭而睡。合目則

乳語。面赤頭痛。遍身痰氣走動。牽扯作痛。必俟

吐出痰後則耳始不鳴。目始不泪。素服風痰藥

南星半夏之類不効。後服參耆則亦僅止四五

個月。診其脉兩寸洪滑。兩尺沉微。殆上盛下虛

之候法當清上補下以橘紅貝母茯苓甘草桔
梗杏仁前胡鈎藤天麻酒芩枳壳水煎服之夜
進七製化痰丸再以八味丸加人參麥門冬五
味子空心服之半年而瘳六十

程紹溪中年患鶴膝風症兩腿及腳肚內外臃肉
盡削獨兩膝腫大迺酒後縱欲所致經治蘓松
嘉湖杭嚴六府視為痼疾且四肢膿疥連片淫
爛臃積臭惡難近自分必死家人以渠病久醫
藥破家今則不食不祗無明求生矣渠有親為

予鄰家偶言及渠病之異家道之窘予聞惻然
鄰素知予不以窘異為憚懇為一看予携仲子
泰來同往令渠沐手診之左寸關浮數右寸短
弱兩尺沉微此氣虛血熱之候法當大補氣血
壯其筋骨猶可冀生病者聞言命家人子媳羅
拜於地請藥予曰病勢已痼非百日不見功蓋
補血無速効日浸月潤漸而濡之關節通利骨
正筋柔腿肉自生初以龜板以仁各三錢蒼耳
子五加皮頭二錢蠶沙節節香各一錢當歸人參

黃耆蒼朮杜仲黃柏各八分。紅朮五分。水煎服之。十劑而瘡疥漸稀。精神稍長。再以意以仁五加皮龜板各二錢。節節香蒼耳子地黃丹參蒼朮黃柏何首烏各一錢。人參當歸各八分。紅朮木通各五分。三十帖。足可倚杖而行。腿肉漸生。瘡疥盡愈。膝腫消去其六。後以虎潛丸加鹿角膠何首烏金毛狗脊節節香牛膝。用龜板膠為丸。服三越月。腿肉復完。出之茗上。茗人嘖嘖稱奇。悉錄其方以布。六十一



